

30 AUG 1998

AGONG HANTAR PERUTUSAN KEPADA PRESIDEN TRINIDAD AND TOBAGO

KUALA LUMPUR, 30 Ogos (Bernama) -- Yang di-Pertuan Agong Tuanku Ja'afar berkenan mengirimi perutusan tahniah kepada Presiden Trinidad and Tobago, Arthur Napoleon sempena Hari Kemerdekaan negara itu hari ini.

Dalam perutusannya, Seri Paduka berharap semoga Trinidad and Tobago akan terus menikmati kemajuan dan kemakmuran di bawah kepimpinan Robinson.

Perdana Menteri Datuk Seri Dr Mahathir Mohamad menghantar perutusan kepada Perdana Menteri Basdeo Panday dengan harapan kedua-dua mereka dapat bekerjasama untuk memperkukuhkan hubungan yang sedia terjalin antara kedua-dua negara pada peringkat dua hala dan dalam Komanwel.

Menteri Luar Datuk Seri Abdullah Haji Ahmad Badawi pula menghantar perutusan kepada rakan sejawatan beliau Ralph Maraj.

Dalam perutusannya, Abdullah berkata beliau menaruh harapan untuk meneruskan kerjasama rapat dengan Maraj bagi memperkukuhkan hubungan antara Malaysia dan Trinidad and Tobago.

-- BERNAMA

AFY FAZ